

junges theater basel kurs dienstags 18-20h:

DUMMOKRATIE!

odr d gschicht vo dr wält und wie s witer goht

leitung: christian mueller, christian@diskowuerste.ch, 076 587 07 81

technik/musik: thomas frey

mit: carmen joppen, janine hammer, lara hörler, lea agnetti, lenya koechlin, nefeli avgeris, nicolas büttiker, pascale jaccoud, patricia wagner, steve mulholland, xenia hofmeier (11)

requisiten:

1 sonnenbrille (steven), goldpapier für geldregen, 12x feuerzeuge, 12x plastikbecher, 1 taschenlampe (lea), klebeband.

kostüm:

historische kostüme, kostüme allgemein - jeder etwas anders aber bestimmt. so wie an einer verkleidungsparty

probendaten:

Endprobentage: sa 21./ so 22.05.2011 jeweils 10 - 18h

Endprobenabende:

mo 23.05. 18-22h

di 24.05. 18-22h

mi 25.05. 18-22h

do 26.05. 18-22h

Vorstellungen: treff je 18h

fr 27.05. 20.00 Premiere

sa 28.05. 20.00 Vorstellung

so 29.05. 20.00 Dernière

spiilplätz: fr 17.juni, 22h jtb

0. prolog: urschrei!

licht im zuschauerraum geht aus. tür zur garderobe geht im dunkeln auf.

jemand rennt im dunkeln nach vorne, steht hin. licht an!

janine SCHREIT

licht aus. 2 weitere kommen im dunkeln nach vorne. licht an!

xenia, patricia SCHREIEN

licht aus. alle kommen im dunkeln nach vorne. licht an!

alle SCHREIEN

ruhe.

> 1 danke! jez, wo mer ihri ufmerksamkeit hei, chönne mer afo: mini dame und herre und die wos no wärde wei: hätzlich willkomme zu dummokratie, oder d gschicht vo dr wält und wie s witer got. mir fö am beste ganz ganz ganz ganz ganz ganz (dabei wird stimme beschleunigt und verzerrt) ganz vorne a:

1.: die entstehung der erde

alle klumpen sich in mitte des raumes zusammen. gravitation hält sie zusammen.

stimme: es isch so schön ruhig gsi im universum, wos noni git. wär weiss was vorhär gsi isch, egal. doch denn!

ton gewaltige explosion,

stimme: dr uuuuuuuuuuurknall!!!

musik startet: housemeister: sommer

dazu sprengt es die spielenden auseinander und sie schweben als protonen und frühplaneten im unendlichen weltall rum. (ca 30sek, wenn der text beginnt, langsam in kreis kommen, an den richtigen händen halten)

stimme dr unändlich masserichi energiepunkt zerfällt in atom, protone und sowiter. ersti galaktischi staubwulche forme sich. d gravitation und d zit entstöh und au süscht alli physikalisch beschribbare grundlage und wächselwirkige nämme ihre lauf. johrmilliarde dehnt sich dä klumpe us, stärn entstöh und zerfalle, pralle zämme, drifte **usenang**. (zu linie zusammenfallen und steve dreht sich langsam um die eigene achse, eine spiralgalaxie entsteht) die erste galaxie entstöh, und au die zwoite und dritte. und 4t und 5te... bis irgend wenn au unseri milchstroos in unändlich ruum usegleert wird und in irgend so eim winzige spiralarm dreit sich gli mol alles numme no um eis: umd sunne. (jetzt sind alle ganz nah um steven, steven hat plötzlich sonnenbrille an macht V-zeichen, die anderen machen die strahlen).

stimme und irgendwann us unerfindliche und unerklärliche gründ, wo in dr summe vil z gross si, dass me se irgendwann au numme asatzwis chönnt in ihrere gsamtheit wornäh: oisi ärde!

alle platsch an den boden. pause bis 'magma' dann ursuppe-choreo. halbe drehung unten, andere person auf allen gespreizten 4en darüber, schlaufe.

stimme isch si nit e wunderbare ort? heiss und glühend. kei wasser, kei saurstoff, kei nüt. numme pulsierendi **magma**. (nach links auf rücken drehen) höchstens plattetektonik. (tektonik choreo) bis irgendwie dure komplexe, langwierige prozäss us wasserdampf wasser worde isch, in mineralie bundene saurstoff... usgschide.. worde isch... egal wie: s resultat zellt, und das isch... ok gsi. jedefalls so ok, dass es avo brodle het.

zurück auf bauch drehen. schleimige tiere ohne arme, würmer usw.

stimme molekül händ sich bildet und stoffwächselkreisläuf hän sich etabliert, bis es irgendwann eizäller gäh het. aber eizäller wäre nit eizäller, wenn si sich nit teile würdet. und das hei si gmacht. und wie sie das gmacht hei.

stimme us eizäller würde zwoi und no vil meh zäller. pilz, pflanze, sogar tier und dä ganz habawasch, wos teilwis hüt no git. riisigi dinosaurier si entstande, wo mer kei ahnig hän wie si mitenand umgange si, aber vorstelle chames sichs jo.

plötzlich hängen sich die bösen dinos und tanzen und singen cancan. dann wieder fressen.

> 2 wie das so isch. elei simmer ebbe nit im wältall und so chas halt passiere, dass me mängmol uf öpis trifft. oder öpis uf ois.

ton einschlagender meteorit.

dinos tot, erstehen als rattenähnliche wesen wieder auf.

2. evolution zum menschen:

stimme jedefalls het das de dinosaurier nit so guet do. guet für ois. jez hetz ändlich platz gha für d säugetier.

alle werden zu säugetieren, zu affen im dschungel, zu menschen

stimme und wär immerno meint dr mensch stammt vom aff ab, däm mues i eifach säge: falsch. affe und mensche hei nur die gliche vofahre. obwohl s villne mensche nit schade würd, si würde wenigstens vomne aff abstamme.

> 3 jänu. so wit so guet. (nach vorne als menschen dumm da stehen, text illustrieren) do simmer also: **mensche**. was für e komischi gestalt. nüt schint vollständig z si: hoor hetr, aber nit überall. und wenn er het, an de unmöglichschte stelle. krallen het er, aber keini richtige. zehnen het er, aber keini scharfe. er schmeckt, aber nit guet. er gseht, aber nit alles. (zunge an nase)egal was er het, nüt schint richtig z funktioniere, aber drfür alles es bitzli. das het aso glängt. aber es hirn het er, me glaubts fascht nit. und wenn ers au

mol brucht, chunnt ab und zue, eventuell, per zuefall velicht, wenn nüt drzwüsche chunnt öpis bruchbars use. (wickienase?)

alle kling!

stimme so händ si wärkzüg avo mache.

sie machen irgendwas, zb: beil, pfeil, rad, schuh, kleider, telephon, hammer, axt, schmuck... (jeder präsentiert kurz, was er erfunden hat)

alle wuoah! (rumzeigen und erstaunt sein) wuoah!

XENIA entdeckt etwas in NICOLAS' frisur:

XENIA wuoah! (sonst darf man nur in 'A's sprechen, alle schauen)

> 4 zwüschemenschlich kommunikation hän si scho frie entdeckt.

lausen sich in einer schlange, kommen sich in die haare.

> 5 und bis hüt noni vergässe.

JANINE ist beleidigt und steht abseits. die anderen nehmen zusammen einen grossen imaginären stein. werfen ihn auf die person.

JANINE au! goz no?!?!

> 6 scho händ si d sproch entdeckt. aber was nützt eim das alles, wenn me chalt het?

alle frieren, XENIA hat idee: macht feuer. zeigt wie blasen geht, nicht spucken.

> 7 ton: feuerknistern

> 8 aber s füür het nit numme warm gäh, me het au plötzlich chönne sache ässe, wo vorhär ungniessbar gsi si.

LARA verbrennt sich finger und merkt, dass der gut schmeckt. isst ihn auf.

> 9 gli scho het dr mensch e huffe sache zum allererste mol gmacht. zum erste mol musik, (man singt zombie nation, kernkrakft400)

> 10 die erst party,

> 11 dr erscht ruusch,

> 11.1 dr erscht kater (lasch auf die krüpfle legen),

> 11.2 nit die ersti ungewollti schwangerschaft, (mit bauchstreicheln nach vorne kommen; alle oder nur typen?) und so witer und so witer....

irgendwann wirts jemandem zu viel.

3. einwurf religion

CARMEN: aber. aber. isch das würlklich alles wohr? isch so d wält entstande? genau so.

> 11.3 jo! velicht. d gschicht vo dr gschicht isch au nit würlklich linear...

NEFELI aber denn chönnts jo au anderst gsi si, oder?

JANINE d sumerer hei gseit: dr mensch isch vo de götter erschaffe worde, zum de götter d arbeit abnäh und si in rüeh göttle chönne.

LARA göttle? was sell das si?

JANINE weiss doch nit. mit blitz spile, chrankheite erfinde, mensche quäle; was weiss ich...

PATRICIA fuuli säck! denn hei si scho superchräft, und mir meisse do unde chrampfe...

LEA aso wen me in 6 tåg s ganze universum macht, chame sich ruhig mol es paar tausig johr usruie.

XENIA was isch eigentlich zerst gsi? s wort oder s muul?

PASCALE am anfang war das wort...

STEVEN und denn het öper psssssssst gseit!

LENYA die wahrscheinlich kürzeste schöpfungsgeschichte der welt.

- CARMEN wär het eigentlich gott gmacht? aso im buddismus giz au götter, die meine si si unsterblich. si si aber numme so alt, dass si scho vrgässe hei, dass si au mol jung gsi si und stärke mien. die läbe eifach fascht ewig.
- JANINE aso bi de aborigenes in australie het ihre gott zerst dr ma gmacht, au us ärde, die hän denn miesse d wält zerst mol forme.. dr eint isch dr mond gsi und si brueder dr morgestärn. znacht bim schlofe, isch denn dr morgestärn vo sim brueder kastriert worde und er het ihm dr brustkorb verdrückt. so isch d frau entstande.
- LENYA bluetet jo hüt no, ab und zue...
- CARMEN mann mues dä spitz gsi si, so öpis sim brueder aztue...
- XENIA säg das mol am kain.
- LARA säg mol. wenn adam und eva die erste mensche gsi si. und die nur söhn gha hei, mit wäm hei denn die söhn chinder gha?
- NICOLAS voll dr inzucht huffe. wie östricher.
- LEA sin östricher die erste mensche?
- PASCAL nei die letschte.
- NEFELI kennet dir eigentlich d gschicht vo de kugelmensche?
- alle haken sich in 2er gruppen rücken an rücken ineinander
- NEFELI in ere griechische gschicht stammt dr ma vo dr sunne, d frau vo dr ärde und dr mond vo bedne ab. denn si aber d mensche au no grösser gsi. aso dopplet. es het also ma-ma, frau-frau, und ma-frau gä. irgendwann si die mensche fräch worde und d götter hei se als strof usenand ghaue. sit denn isch me immer uf dr suechi nach sinere andere hälfti. (alle suchen überall, werden NEFELI zu aufdringlich) und wenn d mensche witr so fräch si, denn wärde si grad nomol halbiert.
- mehrere okokok. isch jo guet. kei stress. (usw; danach unmotiviertes eindehnen)
- > 15** natürlich chönnet dir glaube was dir weit. aber ich persönlich vertrau doch eher dr wüssenschaft. schliesslich liferet si oft nochvollziebareri erklärige, als irgend es buech und sigs no so alt und dick. das hei jo au numme mensche gschriben. und mensche mache fehler. vil fehler. sehr vil fehler.

4.0 aufarbeitung der menschheitsgeschichte

4.1 frühe hochkulturen (agypter, griechen, römer)

alle sind langsam gestresst. müssen kurz glieder ausschütteln, pause, stretchen.

stimme das wärs also mol gsi mit prähistorischem. mir chömme langsam in d region vo dr historie. also sit d mensche schriftlich oder ähnlich historisch quelle hinterloh hän. wo simmer gsi? steizit? izeit? bronzzeit? genau. und irgendwann denn isch dr mensch vom jäger und sammler zum buur worde. ZUM BUUR WORDE!

alle werden angepisst zu bauern

stimme arbeitsteilig, nümme sälbstersorgig. statt sälber laufe, isch jez s **vieh** für ein gloffe.

alle werden langsam zu kühen, die nach vorne in einer linie wiederkäuen, ab und zu muhen sie und vertreiben fliegen

> 16 städt si entstande und mit de städt au hochkulture. hochkulture zeichne sich jedefalls drdur us, dass si gärn höch baut hän.

kühe schauen dem immer höher werdenden bau zu.

alle muh!

> 17 ton walk like an egyptian, bangles

stimme natürlich laufe nit alli ägypter so wie si in stei gmeisslet worde si. aber was will me mache, wenn alli youtube-video und paparazzifotone us dere zit scho lang verschwunde si.

CARMEN jo und uf facebook hani au nüt gfunde

stimme rund ums mittelmeer si verschideni stadtstaate entstande. (gegen publikum kämpfen) die hän sich denn bekämpft, verbündet und vernichtet, meistens sogar mehrmals hinterenand. d lernkurve isch jewils relativ flach verlaufe.

alle werden überrannt und bringen sich hinten an der wand in schutz.

> 18 d agypter si unter d räder vo de griecher cho. d römer hei denn d griecher übernoh. und d römer... jo die römer. das isch mer no es lustigs völkli gsi.

szenen aus rom. gelage beim essen, viel wein. gladiatoren im 2kampf. daumen runter. zum schluss stechen alle in carmens rücken:

CARMEN auch du, brutus?

LEA nei, bi nit dr brutus, är isch brutus.

CARMEN auch du brutus?

LENYA nei, bi nit dr brutus, är isch brutus.

PATRICIA är isch brutus!

t nei är. (zeigt ins publikum)

die schuld wird an die anderen abgeschoben. zum schluss an die person vorne rechts.

alle nei aso mei mei! pfui. voll drnäbe! got jo gar nit (usw)

> 19 ehem. nach em römische rüch isch zerst mol nüm vill cho. d mensche hei die noi personenfreizügigkeit und niederlassungsfreiheit in europa gnosse. si si vo A nach B und widr zrugg. mol hetz ne gfalle, mol weniger. und ohni dass sis gmerkt hän, si si im mittelalter aho. im dunkle mittelalter.

licht geht aus.

4.2 das dunkle mittelalter

stimme d kirche het sich mittlerwile etabliert und het sich so zimmi alles unter e nagel grisse, was vorhär de römer gsi isch. wäge däm au: römisch-katholisch. und dr räscht hei si au no welle becho.

feuerzeug an.

STEVEN ablassbrief, wär will no e ablassbrief? sündige so vill du wettsch, aber chauf der denn gschwind e ablassbrief. 10tag weniger im höllfür für 50, 100tag für 200... mittelalterlich... gäldeinheit.

PATRICIA wär kei chirstestüür zahlet isch gottlos! zahlet brav oiri chirstestüür! süscht chömmet dir ind höll!

STEVEN spaaret oich s gäld für d chirstestüür, leget grad in ablassbrief a. chunnt ufs gleiche use.

alle sind am markt. licht wieder langsam an.

> 20 irgendwann ischs dr kirche und de lüt langwilig worde. (man legt sich hin, macht sich s bequem) und was mache d chinder, wenn s ne langwilig wird? nei si hocke nit ruhig und fridlich do. si föhn avo strite. irgend e grund findet me immer. (gelangweilt beginnt man zu streiten und kämpfen) so si also die liebe christe uszoge in oste um de gottlose böse moslems us em heilige land z vertribe. will mittlerwile isch im oste e religion entstande, wo fascht glich isch, wie die eigeni, wo fascht glich isch, wie die jüdischi, vo dere me doch friener mol abgschribe het! skandal. also ab ind chrüzzüg.

alle this is sparta!

gegenseitiges gemetzel.

LENYA (stirbt) wo isch mi ablassbrief?

> 21 schono blöd, dass irgendwie dä cheibe gott nit wirklich glücklich gsi zi schint. jedenfalls isch d pest cho und het d bevölkerig in europa chli halbiert.

XENIA mir si jo eh scho tot. (echo: tot)

stimme es isch chälter worde, missärnte si igfahre worde und me het e noie sündebock gsuecht. zum glück giz e chline pilz, wo am weize wachst, wenns z chalt und z fiecht isch. (aufsitzen) us däm pilz isch villi johr spöter s LSD extrahiert worde. wie dä pilz im brot chönnt wirke die mer doch grad gschwind veraschauliche:

flash. musik: hände anschauen, choreo. am schluss sind alle hinten an der wand.

musik: alexander markus: papaya;

hinsetzen, hände unter knie, mit füssen nach links und rechts wippen. es kribbelt, es juckt, etwas ist komisch, bei dir auch?, hände werden ganz leicht. hände werden zu luftballons, die einen in den himmel ziehen, der wind treibt einen umher, man wird zum flugzeug, pirouette, hinstellen, fudiwaggel, horrortrip an wand, tätsch.

stimme unheimlich isch das gsi. angst macht das. und wenn me angst het, denn isch immer öper angers tschuld. zb... d fraue! nei, häxe! häxe sin dschuld! und wie das so isch mit dr christliche nöchsteliebi: es wird verfolgt! igsperrt! gfolteret! vergewaltigt! verbrennt! inquisition halt. aber halt halt halt! jede mensch verdient e faire prozäss:

LARA d häx (LEA) wird gfesslet und vo dr mittlere brugg gschmisse. wenn si ertrinkt, denn het si leider rächt gha und isch unschuldig. aber wenn si nit vertrinkt und s irgendwie an land schafft: denn isch si schuldig und ghört ufem schiterhuffe verbrennt!!!

> 22

ton feuerknistern.

scheiterhaufen, feuer. alle sitzen um das lagerfeuer, grille wüste und singen kumbaya. es geht immer freundschaftlicher zu. nach 3 mal kumbaya nur noch summen.

4.3 renaissance bis heute

> 23

es het sowieso vill brennt im mittelalter. aber velicht het das gholfe, langsam liecht is dunkle z bringe. plötzlich ischs widr vorwärts gange. wüsse isch widr wichtiger worde als kämpfe. d renaissance het s kirchliche menschebild vom arme sündler, wo sich im läbe bewise mues, um in himmel zcho, gwandelt in es humanistisches, wo sich dr mensch durch bildig forme losst. wenn er denn will. könige si abgesetzt worde. also geköpft und zum erste mol hets so öpis gäh wiene demokratie.

alle ich bi drfür!

alle strecken auf. bei folgenden punkten werden die hände wieder schrittweise nach unten genommen.

stimme also e volksherrschaft. wo alli hei döffe stimme. also alli mündige mensche über 24i oder verhürotet. mit eigenem bsitz. und bruef. nit jüdisch, nit katholisch und in dr armee mues me si. ah, und jo kei frau. stimmrächt für fraue isch schlächt für d fruchtbarkeit und überforderet s winzige frauehirni.

stimme vil vorhär scho. d maschine si tschuld. mit dr erfindig vo dr dampfmaschine isch e noi epoche ins wältgschichtrenne gschickt worde: d industrialisierig.

stimme uf em land hetz kei arbeit meh gäh, ämmel nit so vil wie lüt. also si si ind stadt. ind fabrik. dört hän si denn füre hungerlohn 16 stunde am tag gschafft. und das d chinder nit elei dehei hei miesse si, hän si sälbverständlich au mitgholfe in dr fabrik.

NEFELI gwüssi teili si aber au sooo chli, dass das fast nur es chind mache cha.

förderband, webstuhlchoreo. am schluss sind alle roboter.

musik: gain reacton, jan driver

stimme au das isch vrbi gange, oder wenigstens ewäg. wit wäg, uf china oder so. oder indie. isch doch ois egal. s isch vrbi. mir hän nämlich gwärkschafte gründet und si für oisi rächt in streik gange. mir häns dene bosse und bonze zeigt! aber sowit simmer noni. e verfassig hei mer scho. nationalstaate si bildet. und somit au dr nationalismus. nationalismus isch guet für d wirtschaft. wenigstens für d kriegswirtschaft. schlisslich bruche die arbeiter in de fabrike arbeit. und d cheffe gwünn. und was git meh z tue als chrieg? also ran an die gschütze. s isch widr mol zit für chrieg.

kriegsszene. bombe. tinnitus.

PASCAL simmer jez im 1ste oder scho im 2te wältchrieg?
 CARMEN was? wältchrieg? aso ich bi im 30jährige...
 NICOLAS weiss nüm, gege wär kämpfe mer eigentlich?
 STEVEN gege die dütsche. glaub.
 PATRICIA ah so guet, ich au. ha scho angst gha, ich sig falsch do.
 JANINE hö? ich bin doch deutsche. ich dachte, wir sind auf der gleichen seite.
 LEA chunnt druf a. in welem chrieg simmer denn jetze?
 PASCAL weiss doch au nüm.

> **24** gucken in den himmel. bombenpfeifen wird lauter.

NEFELI säg mol, isch das e atombombe? denn si mer jo doch alles japaner!

alle machen schlitzaugen

alle wuat?

atombomben-bumm.

aufräumen, leichen wegschleppen (achtung haare!!!), staubsaugen mit geräusch, putzn wischen.

> **25** au die chrieg si zum glück fertig worde. aso meh oder weniger. aber schön isch das nit gsi. mit verspötig hei d lüt widr mol gmerkt, dass es so nit sett witr go. hän sich in blüemlichleider gsteckt und hän kiff wie d wältmeister.

(papier rollen, daran ziehen, luft anhalten, nach hinten abliegen)

> **26** hän vo sit-ins, revolution und glichberächtigung troimt. aber für meh als sex hez meistens nit glängt.

> **27** aber hey, me hetz versuecht! s umsetze vo idee isch ebbe schwieriger als idee ha.

dabei sich selbst umarmen.

stimme in de 80er isch me denn wenigstens widr ehrlicher worde. es got ums gäld. umd börse.

wie bei aktienhandel rumschreien, plötzlich fällt geldregen von oben herab, alle raffen, was sie können ohne rücksicht

> **28** es paar lüt si sehr riich worde. neoliberal. mit em lustige motto: mir doch egal wohär s gäld chunnt, hauptsach s blibt bi mir. aber gstroft si di lüt worde, und wie. die chleider, wo si agha hän,

LENYA was du hesch gseit mir selle das alege!

> **29** die frisure, und die musig! und das sogar freiwillig...

ev. szene in 80erdisco. YMCA

> **30** jänu. in de 90er isch nüm vill passiert. zämmebruch vo dr sowjetunion isch no s spannendste gsi. aber das isch eigentlich scho vorhär gsi. d 90er si eigentlich nit meh als e 10jährige countdown zum johr 2000. denn wenn ändlich d wält untergot. isch au langsam zit worde. passiert isch zerst mol nit vill. erst mit verspötig hei 2 flugzüg denn die 2 cherze uf em chueche azüngt. und die hei brennt. und wie die brennt hei.

flugzeuge choreo: **redhotchillipeppers: music is my aeroplane.**

5. heute: witze

stimme und hüt? wie ischs hüt? das si mir. genau hüt. hei mer öpis z säge?

alle sprachlos.

stimme velicht nit, aber öpis verzelle chönne mer!

alle sprachlos. hüsteln. unsichtbar machen. sich kratzen. alle einen schritt zurück, jemand bleibt stehen. er/sie muss.

PASCAL ehm. hallo zämme. aso ich ha oich öpis wichtigs wele verzelle: und zwar... was isch... genau:... ehm... was isch dr unterschid zwüsche... nei, es isch mol e...ehm. ah genau!

äthiopierchinder bim versteckis: nach em iluege seit dr eint: ich gseh di, hinter em bäuse. und di au, hinter der leine du fetti sau!
 LENYA blonde auf autobahn, kommt in kontrolle. polizistin fragt nach ausweis. blondine: was ist das? polizistin: das mit m gsicht. blondine kramt in tasche, nimmt spiegel, ah das. do. polizistin: ha gar nit gwüsst, dass si au polizistin sin.
 JANINE was isch wis und fliegt in himmel?
 e behinderts schneeflögli
 PATRICIA heit dr gwüsst: 2012 got d wält unter. japan isch disqualifiziert wäge friestart.
 STEVE wiso hän jungi türke e schnautz? damit si ind disco mit pass von mami chönne.
 LEA s rotkäppli goht in wald und trifft pinoccio. denn sitzt si uf sis gsicht und schreit: lüg pinoccio. du geili sau! lüg!
 NEFELI wele bruef het dr jesus gha? studänt: er het langi hoor gha, er wohnt no bi sine eltere und wenn er öpis gmacht het, ischs e wunder gsi.
 XENIA was isch schwarzwis und springt vo iisscholle zu iisscholle? e springuin und was isch wiss und goht dr berg ufe? e lawine mit heimweh.
 NICOLAS wiso sitze d fraue ufme tüechli i dr badi? dass ihre schnäggi kei gras frisst. was isch dr unterschid zwüsche nem schwule und ere teekanne? - pose - keine.

6. individuelles zukunftsstück

> 31

scho truurig. die junge lüt vo hüt hän eifach nüt meh zsäge. als öb si das je gha hätte. aber chli sprochlos bini scho ab dere sprochlosigkeit. aber nit numme friener isch alles besser gsi, au in zuekunft wird alles besser...
 LARA aso ich ha ganz vil gäld und e riise huus und e schwarze hund und e butler und e ross und e begehbbare schrank voll mit schueh und chleider und ganz vil schmuck und e whirlpool und e sauna und e ferrari. ah! und e ma, wo mer das alles chaufft, mega schön isch, sportlich, nie fremd got, lustig, nätt, verständnisvoll, modebewusst, erfolgreich, und intelligänt.
 JANINE und sone schwanz
 CARMEN aso ich mach sälber karriere. ich mach mi sicher nit abhängig vomene maa (zu erster person). ich studier medizin und wird cheffärztin. in minere freizeit heil ich härzigi chätzli und chüngelis und in de summerferie flieg i nach afrika und hilf dort au. ich heil ganz vill chrankheite. zb aids und chräbs. ah, und als ersti präsidentin vo dr UNO machi au grad no wältfride.
 STEVE pffffff. isch das alles? ich wird mindestens weltfussballer des jahres und das während 20 johr. ich gwünn d schwizer meisterschaft, champions league und d wältmeisterschaft in serie. und das elei gege 11 spiler. ich bi mi trainer, bi goali und libero in eim. mini sportchleidermarke leit me sogar zur oscar-nacht a. woni übrigens au gwünn. und zwar fürs beste make-up.
 PATRICIA jo wenn das klappt, denn glück für oich. ich glaub nit dra. ich find eh nie öper. oder öper mi. ich weiss au nit, aber irgendwie passe mir die mensche, woni kenne lehr, nit wirklich und die, wo mi wänd, will ich nit.
 NEFELI ich find irgend sone schleger typ, wo mi im vollsuff schwängeret. will i s z lang nit merk, chani nüm abtribe und us fuulheit hürote mer. zämme si mer denn gli arbeitslos und läbe vo dr sozialhilf. mini chinder chömme behinderet uf d wält. und si au grad scho mit me arschgweih tätowiert.
 JANINE ich stirb elei und einsam in minere messie-wohning. wenss stinkt, merkes d nochbere nit, wills bi mir eh immer gstunke het. erst wo mi leichesaft dur d decki in d wohning vom nochber tropft, hole si dr schlüsseldienst. 13 mulde mit abfall fülle si mit mim abfall, bis si zu mir dure cho sind. aber denn bini scho e halbs johr tot. aber gmerkt het das eh niemer. ich ha weder chinder gha no je e fründ oder fründe. mini chatze wo die ganz wohning zuegschisse hän, händ am schluss mis gsicht abgrässe.

LEA ich ha e super läbe. bis 70gi. denn hani e hirnschlag und cha nur no ligge. i cha weder ässe, no schnufe oder schwätze ohni maschine. nach 2 johr bsueche si mi nur no zum geburtstag. nach 5 gar nüm. ich wird 122 johr alt. am 20. februar 2118 stirb i denn ändlich. an darmverschluss.
mit mund so einsaugen.

NICOLAS ich wird au alt. aber demänt. ich vergiss immer meh und meh und läb numme no in minere traumwält. zum glück schänke si mir im altersheim gaaaaaaanz vil farbige tablette, so spicki ei trip nach em andere. leider chani mi weder dra erinnere, no döfi luti musig lose im heim. obwohl alli taub si. und im altersheim hani affärene mit allne alte dame, will ich dr einzig ma im heim bi.

STEVE was dr einzig? das wär jo schlimm. stell dr mol vor s git keini manne meh.

CARMEN jo stell dr vor s git keini fraue meh!!

7. welt ohne frauen/ neue zukunft für alle

alle drehen sich um, stecken den finger aus dem hosenstall und spielen mann.

PASCALE hey tschau alte!

alle so high5 mit finger.

CARMEN tschau alte.

PASCAL hey alte, ich ha so vill gfiggt mann gester. sicher 15mol! mi schwanz brennt jez no!

NEFELI waaas? mit wäm? bisch jo voll schwul, mann!

PASCALE jo was denn süsch, alte? giz no öpis anders? alte!

LENYA boa du bisch jo voll dr obermacker. alte!

XENIA oh, wartet gschwind!

> 32 ton: furzgeräusch

alle riechen daran.

LENYA geili sau!

PATRICIA wohoho krass eh, was hesch du gfrässe, mann?

CARMEN ou ich mues pisse.

LEA ich au! wär chunnt am höchste?

stehen alle vorne hin richtung publikum

NEFELI was höchste? wär chunnt am witeste?

LENYA was witeste? wär cha am längste?

> 33 ton: pissgeräusch mit wettbewerb.

NEFELI jaaaa, alte. ich ha gwunne!

JANINE was gwunne? du hesch eh nit gwunne! ich ha gwunne!

CARMEN ich ha gwunne!

pöbeln sich an. alle drumrum

alle 3x käm-pfe - käm-pfe - käm-pfe!

lichtschwert kampf mit eigenen geräuschen. zack

NICOLAS au, voll ufs ohr. das macht amfall sau weh. ich sägs grad am papi!

LEA oh. ui. sägs doch grad am papi... bülü bülü bülü.

alle 2x fuule fuule eiertätsch.

rennt heulend davon.

NICOLAS dir sit so gemeeeeeeeeeeeeeheeeeeeeinnn...

CARMEN nei in zuekunft si alli gaanz nätt zunenand.

geht zu NEFELI hin und ist suuuper nett.

CARMEN wie gohts? gohts guet? was hesch gmacht?

LENYA ou du hesch do e hoor. sell ich dir e frisur mache?

NICOLAS du hesch denn schöni chleider a. oh, e fussel.

PASCALE hesch hunger?

XENIA selli dr öpis choche? hesch durscht?

LEA chum ich hilf dir bim ane sitze? so isch guet.

PATRICIA chumm ich massier di chli. ui, du hesch aber ohrschmalz, chum ich putz dir d ohre.

JANINE oh und di nase isch jo au ganz verchläbt.

STEVE du hesch do e chrütli am zahn.

JANINE eimol schnütze. brav.

LENYA muesch ufs wc? nei wart *ich* gang für di.

CARMEN sell drs füdle pützle?

bedrängte person:

NEFELI es längt! denn ischs mer lieber, alli mensche si bös.
riesen streit! kampf, kravalle, hinterlist.

XENIA nei, lieber widr lieb!

alle wieder ganz lieb.

STEVE nei bös!

alle wieder böse.

PASCALE LIEB!

LARA BÖS!

LENYA LIEB!

NEFELI BÖS!

alle lieb! bös! lieb! bösbösliebbös...
wenns mann muff ist, setzt man sich trötzelig hin.

alle bösssss.

licht aus, 1taschenlampe an gesicht halten, horrorgeräusche machen, licht an.

LEA riisigi schlimigi genmutatione beherrsche d wält. überall händ si pickel,

LENY/PASC was? teenager?

LEA nei schlimmer. und wenn die pickel platze, spicke hunderti vo eier use. si trinke dr ozean us und ernähre sich vo mensche und tier, wo si zumene brei verstampfe und sich hinter d ohre striche.

PASCALE will das ihres schönheitsideal isch.

LEA genau! germany's next topmodel giz immer no, e mensch het aber scho lang nüm gwunne. models steckt me sich denn gärn ins fudi, das chönne sich aber nur richi schlimigi genmutatione leiste. ihri lieblingsbeschäftigung isch nägel möglichst schnäll in e baumstuf ine schloh. und wär verliert mues us em bisigaggisee trinke!

taschenlampe aus, licht an, becher holen.

LENYA uf ex!

alle jawohl!

stürzen becher.

LEA nei in zuekunft si mir mensche roboter. also i mein, d mensche si mit de maschine verschmolze. und zwar freiwillig.

jemand wird gepackt und ummodelliert (becherknacksen)

LENYA genau so wie me scho lang brille oder chleider und wärkzüg benutzt und ohni die gar nüm cha und wett läbe, genau so pimpe sich d mensche mit maschine.

becherscherben mit klebeband ankleben.

XENIA es git e reali wält und e virtuelli. die virtuelli isch perfekte abbild vo dr reale, aber denn längt das nüm. me erfindet zerst öpis im computer, und denn passt sich die reali wält dra a. die 2 wälte verschränke sich immer meh ineneand, me chunnt gar nüm drus, was real, was virtuell isch. am schluss isch alles numme no ei riisige chlumpe läbe, wo alles mit allne und allem interagiert.

mit klebeband umwickeln.

NEFELI was d bakterie in unserem darm si, si mir maschinemensche für unseri noi wält.

XENIA s internet isch s närvesystem, wikipedia s gedächtnis, und die ändlosi abfolg vo 0 und 1 in immer neue variante isch unseri desoxribonukleinsüri.

NICOLAS e mensch isch nur no e chlises rädli vom ganze. aber funktioniert hän mer und glücklich si mer gsi. ändlich het unser läbe e sinn gha. nämmlig s wohl vom ganze.
STEVE wiene risige ameisehuffe.

8. weltuntergänge

PATRICIA siiiiiicher nit! d wält got am 20.12.2012 nach em kaländer vo de mayas unter.
JANINE d götter vo de mayas hän sich nachere christliche schnapszahl grichtet?
PATRICIA klar. schliesslich si si au vo katholische spanier abegmetzlet worde. jedefalls: alli mensche wärde in e ganz noii zivilisation igoh. das lauft ganz ohni gwalt oder toti ab. me het denn e vollständig nois kosmischs bewusstsi und e spirituelle übergang zunere noie zivilisation.
CARMEN wo alli mensche fründe si und unseri chline kinder im garte mit de loiebabies friedlich zäme spile.
LENYA bis denn hän d mensche d ärde eh scho lang vernichtet. d zahl vo de atombombe längt hüt scho zum d wält es paar tausig mol unbewohnbar z mache. d ärde bricht velicht nit grad usenand, aber d atombombene würde e nukleari winter uslöse, wo uf dr ärde johrelang für nacht sorge würd.

> 34

NEFELI geigerzählergeräusch nimmt zu. alle gehen zu boden. fall out. stille. wind. oder mir hän süscht irgend es gift erfunde, womit mer uns sälber vergifte. das schint jo unser hobby z si. d römer hän sich mit blei vergiftet, will si d wasserleitige us blei gmacht hän. mir uns in de 50er mit DDT und asbest.
NICOLAS d hormon vo dr pille im wasser mache zerst d fisch zu unfruchtbare zwitter, denn uns.
PASCALE umwältverschmutzig git uns denn dr räscht.
LENYA oder mir verdampfe eifach, wills do so huere heiss worde isch. scheiss tribhuuseffekt.
NEFELI lueg mol wie ich schwitz.
CARMEN jo und ich erst.
jetz alle wieder aufstehen
XENIA in 7 e halb milliarde jehr isch eh alles vrbi. d sunne schwillt zumene risige fürball a. si frisst ganz eifach die nöchste planete, drunter au d ärde. mir stürze eifach in d sunne und verdampfe.

dazu licht immer heller, ev vo hinten.

STEVE mir mien also luege dass mer so schnäll wie möglich vo do wäg chömme!
PATRICIA jo also 7 milliarde jehr sette länge, do cha me vill baue.
JANINE und was isch, wenn vorhär scho öpis passiert? meteorit, vulkanusbrüch, intergalaktische autobahnbau und d ärde isch im wäg und wäg?
PASCAL oder es ärdbebe trifft japan und dr folgendig tsunami zerstört atomkraftwärk, wo die halb wält unbewohnbar macht.
LEA nei, d atomkraft isch absolut sicher. und bi uns cha so öpis eh nit passiere. vergäset nit: mir si schwizer. mir sin besser, makes besser und wüsses besser als alli andere mensche (mit anführungszeichen). mir si s vo gott userwählte übergang.
alle jawohl
machen rütligross.

9. zurück in die zukunft

> 35

stopp stopp stopp. jetz längts aber. das isch mer chli vill polemik do. bringe mer doch chli realität dri und luege sälber noch. zitmaschine los!
ffwd. mit geräusch. dazu 3/4 alltagsgesten die immer schneller werden. am schluss: gump nach vorne und tiiing. alle im gleichschritt/takt in diverse posen.
stimme mir si jez im jehr... 2222. so. gar nit vill veränderet. d mensche gsehn immerno wie mensche us. drfür alli glich. schliesslich wird jede fötus genaustens kontrolliert und was nit dr norm entspricht ussortiert. und wenn die chinder ind pupertät chömme - das

het me leider nit chönne ussortiere - denn gränze si sich ab, und mache sich individueller. je meh me si körper verstümmlet, umso krasser und hipper. und wär ganz cool isch chunnt sogar behinderet uf d wält!

dazu hiphop geste: westside/eastside

alle JO!

XENIA sicher nit. das sell unseri zuekunft si?

CARMEN aso ich mach mol matur und denn... lueg i mol...

LEA egal was mir mache, das bestimmmer immerno sälber!

alle jäwohl!

LENYA mir makes nämmlig besser, vil besser!

alle mm-hmm!

LENYA in zuekunft... aso hüt im johr 2222 giz nämli keini chrieger meh. mir hän glernt unseri konflikt ohni gewalt z löse.

NICOLAS hunger giz au nüm. mir hän jez über 20milliarde mensche uf dr ärde und allne goz guet.

PATRICIA die ganz wält isch wiene riisigi schwiz, eifach ohni bünzlis,

JANINE rassiste,

PATRICIA bankgheimnis, butterbärg,

JANINE militär,

PATRICIA prix garantie, nazigold, emmetaler,

JANINE waffe

PATRICIA und ohni gränze!

LARA also eigentlich isch d wält wiene riisigi schwiz, ohni schwiz.

LEA und demokratie hei mer au abgeschafft. per abstimmig!

NEFELI unsere immäns energiebedarf decke mer zu 110% us erneuerbare energie. jä, 110%! mir gäbe dr sunne sogar 10% zrugg.

PASCALE zum danggschön säge.

LEA und e neue planet hän mer au scho gfunde, wo mer ane chönne, falls d sunne doch mol explodiert. nit will mir dr planet unbewohnbar gmacht hei.

CARMEN und er isch vil grösser und schöner als d ärde.

XENIA öppe 5 mönd, in allne farbe.

LENYA und alli mensche si blutt und niemer störts.

NICOLAS chalt hei mer au nüm.

STEVE me mues nüm go schaffe.

PASCAL alli si sälbstbewusst und übe nur konstruktivi kritik.

LEA arm isch scho lang niemer meh.

NICOLAS will au niemer me meh gäld het, als er brucht.

PATRICIA chrankheite: alli gheilt.

NEFELI wenn mir in dr schuel, wo mer übrigens immer gärn ane gön und es läbe lang...

LARA und mir läbe sehr sehr lang...

NEFELI ...es läbe lang lerne. über oichi epoche läse, denn wüsse mer nie genau wele name mer dere epoche selle gäh.

STEVE dummit, zum bispil

LENY/PASC oder festzeit

CARMEN pornozit

XENIA antifreizeit

LEA madeinchinazit

JANINE ladygagazit

NICOLAS oder funkyzeit

> 36 Scooter - Crank It Up
cut.

stimme sorry, blibet mol bim thema.
LARA und wüset ihr, wie mer das alles gschafft hei? he? he?
NEFELI nei das wüset dir nit. will dir sooo vil sache glernt händ, usser noche dänke. sälber dänke. sälber froge.
NICOLAS froget doch mol oich sälber: isch das woni mach, nützt das nur mir oder allne mensche?
PASCALE und isch das fair und usgwoqe?
JANINE jez göt mol hei go nochedänke, was dir gmacht hän. döfet go. sisch fertig. hopp.
CARMEN miisset gar nit klatsche. nit klatsche.
LENYA s isch fertig. chönnet go. isch mer ächt z dumm do. use!
diverse hauet ab. furt. muesch gar nit so blöd grinse, isch nit lustig. göt. göt. hopp. tschau, göt eifach hei, s isch guet jez. göht! use!
CARMEN black! black!
alle laufen davon.
BLACK applaus, stehende ovationen!
bei auslass:
> 37 aso, ehm. das isch jez nit so use cho, wien i ha welle. abr au schön, so. no guet worde. glaub. naja.